

建昌府志卷二

星野考

天之體大於地則星野之說必有可稽特其法不傳耳  
雖然天道遠而寔邇陰陽寒燠之常變鄉曲婦孺類能  
言之何必求上台下級之文析杪分以滋幻乎不敢彊  
所不知故星野祇輯舊文不敢忽所可據故氣候機祥  
亦寔徵往事也

□紀斗牽牛也

爾雅

斗一度至婺女七度曰須女又曰星紀於辰在丑

黃帝分星

南斗牽牛吳越之分爲揚州翼軫楚之分爲荊州熒惑主霍

山揚州荊州玉衡第四星主荊州其第六星主揚州

星經

建昌府志

卷二

星野

一

星紀吳越也

鄭康成周禮註

斗江湖牽牛嬰女揚州 吳楚之疆候熒惑占烏衡

漢書天

文志

吳地斗分野也今之會稽九江丹陽豫章廬江廣陵六安臨

淮郡盡吳分也

漢書地理志

玉衡第六星主揚州乙巳爲豫章

後漢天文志

兗豫屬上台荆揚屬下級

論語擿輔象

自張十二廣至軫六度謂之鶉尾之次三秋處暑居之楚之

分野自斗六度至須女二度謂之星紀之次大雪冬至居

之越之分野

蔡邕月令章句

自南斗十二度至須女七度爲星紀於辰在丑吳越之分野

屬揚州 豫章八斗十度 北方南斗六星天口也丞相  
太宰之位主褒賢進士稟授爵祿又主兵一曰天機南二  
星魁天梁也中央二星天相也北二星杓天府庭也亦爲  
壽命之期也斗星盛明王道平和爵祿行 熒惑曰南方  
夏火主楚吳越以南 晉書天文志

斗牽牛星紀也初南斗九度餘千四十二秒十二太中南斗  
二十四度終女四度 新唐書天文志

晉天文志十二次分野始角亢者以東方蒼龍爲首也唐十  
二次始女虛危者以十二支子爲首也其以斗牛爲星分  
之首者日月星起於斗宿古之言天者由斗牛以紀星故  
曰星紀則星紀爲十二次之首而斗牛又二十八宿之首

建昌府志

卷二

星野

二

也又曰斗主薦賢受祿斗爲噐量所以斟酌也民事莫重  
於耕織故牛女相聯 鄭曉天文迷

北斗第四星曰權第五星曰衡 春秋運斗樞

徐揚之州屬權星 春秋文耀鉤

北方七宿其精元武斗有龜蛇蟠結之象 宋中興志

北方南斗六星南星者魁星也北星杓也石申曰魁第一主  
吳二會稽三丹陽四豫章五廬江六九江 三台六星西  
近文昌二星曰上台爲司命主壽次二星曰中台爲司中  
主宗室東二星曰下台爲司祿主兵上台下星主荆揚 宋

史天文志

黃道十二次宿度斗三度七十六分八十五秒八星紀之次

辰在丑女二度六分三十八秒入元枵之次辰在子斗二十五度二十分牛七度二十分女十一度三十五分元

史歷志

揚州管斗吳之分野兼得楚及南越之交通典

熒惑之精散爲昭日蚩尤之旗亦爲昭明司危天欖赤彗文

獻通考

建昌天文斗分野明一統志

江西北極出地二十九度 江西布政司所屬皆斗分 赤道宿度斗二十四度二十四分黃道宿度二十三度五十分赤道交宮宿度箕三度零七分入星紀斗二十四度二十一分入元枵黃道交宮宿度箕四度一十七分入星

建昌府志

卷二

星野

三

紀牛一度零六分入元枵明史天文志

明輿地圖以方格限里數查自順天府至應天府二千二百里至杭州府二千七百里至南昌府三千里至廣州府四千八百里因前後此極出地差 度乃求每度應里數若干如應天府較京師差八度南昌差十一度以二百七十二里推一度杭州差十度用二百七十里廣州差十七□用二百八十二里所推里數畧不合者或測極高未必□□查豎晷無景亦未必定故止以二百五十小里約計□□也若折中多寡以二百七十里論當得九萬七千二百爲地球一周之里數置零數不用尙有九萬餘里李天□渾

天儀說

□□五度所分野之地週數十里纏度次舍宜有鑿然不爽者考之天文諸書以及各郡舊志類皆沿習異同不能分晰各度乃蒐求遺書獲殘卷一帙二十八宿之圖說僅存云斗六星二十五度爲吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度雖分郡甚晰然與九江入斗一度豫章入斗十度從前諸家又相逕庭矣豈氣數遷移古今懸隔不相符合一至此乎

江西志論

聞西士南懷仁云豫章入斗七度軫翼非也又據游子六推

建昌新城應在斗五度則撫屬諸縣應在斗六度

東鄉縣

建昌府志

卷二

星野

四

志論

建昌入南斗十度麗南斗第四星曰天相星次星紀丑位屬

北斗權星屬三台司命下星主吳越星主熒惑星

正德志

據撫州志云南斗六星凡二十五度其第四星主豫章則四

度有奇豫章之疆凡千里約二百五十里有奇而當一度

豫章既入斗十度則撫州去□章二百里將入十一度矣

今按南城去豫章三百餘里其入十一度比之撫州似尤

可據

前志

今之言天事者動曰星野星則據北斗七星謂蒙山以東至南江會稽震澤徐揚之州屬權星大別以東雷澤九江□州屬衡星野則據二十八宿班孟堅云楚地翼軫之分□

吳地斗分野粵地牽牛婺女之分野也後人祖其說實不可據周天三百六十度大地全體九萬里應之上天一度下地二百五十里確有定所不能移動南自瓊州北極出地一十八度北至開平等處北極出地四十二度從南涉北共得二十四度徑六千里在大地全體不過十五分之一耳豈有穹窿圓象崑崙爲六千里而設哉且南北分地亦不相符僧一行以天漢分南北近又有以圖書數位說之者體則陽不變而陰變用則陰不變而陽變皆臆度而不足徵然則保章氏以星土辨九州之地所封封域皆有分星以觀妖祥盡皆謬歟是蓋未詳所封二字之義也善乎賈公彥之疏可以解從前之惑矣

省志劉凝論

建昌府志

卷二

星野

五

氣候

附

風氣和平無瘴氛毒厲之虞無大水旱蟄蝗不至故歲常順成人足衣食惟切連閩嶠山谷四合磅礴鬱積之氣湧洩奮溢陰潤恒多溫冷不常歲春三月多雨寒氣至二月漸退晨霧則晴晴則煖雨則寒□衣單袂早晚異宜清明時多疾風暴雨四月梅雨蒸□俗稱爛梅天亦作霉地磚石礎皆潤五月多雨川谷驟漲俗呼端午水夏至後九日中必有驟雨或連日雨俗呼夏九郎至是始可御絺綌六月炎烈少雨七月熱益燥八月猶熱或連雨陰晦亦復蒸濕稱木樨霉十三日至二十三日俗稱詹家天或謂蒹葭之誤近九月始涼亦多風雨十月多晴氣煖如春爾雅疏云

十月曰陽月俗稱小陽春可種花木間有霜三冬積數□  
至一旬餘或二旬民喜預卜有年十一月十二月或雪或  
薄水益喜自五月盡至十月早晚諸稻隨時登收一歲間  
附郭早稻或再收茶或三收苧或四收牡丹芍藥開放先  
中州一月菊後一月冬或久晴桃梨花開不爲異大抵煖  
多寒少氣洩鮮凝故人稟殊薄云

李觀論吁江氣候

星野旣殊氣候斯異幽薊之寒甌粵之燠洛邑陰陽之和自  
古記之矣邑山高而原深其風鬱故多暑其地陰故多寒  
其區域去甌粵稍遠故暑不如其久去幽薊最遠故寒不  
如其祁春正月寒猶烈上元後民即東作二月漸煖或寒  
則雨始漬種三月寒退多風雨麥乃有秋夏四月漸暑□

建昌府志

卷二

星野

六

雨不常陰晴蒸鬱石礎皆濕五月暑漸盛多大水禾□□  
六月暑甚早禾熟七月如六月八月漸涼蒹葭小雨時□  
浹旬乃止晚禾始穗九月暑退晚禾熟始霜多晴霽民間  
出貿易冬十月漸寒間多□十一月寒甚始夏十二月如  
十一月

南城萬□志屬五邑  
氣候大畧相同可以參觀

機祥

附

吳

太平初南城產嘉禾

豫章書

宋

景祐三年丙子夏南城大水東洲積尸如螻知軍事劉□□

募舟發粟賑之

縣志○以下未註者皆  
高志及各縣志所載

□祐二年庚寅夏六月南城大水 李盱江集

治平元年甲辰大水

熙寧間南豐民游測妻劉氏產鮎

紹聖元年甲戌南豐天授鄉一夕大雷雨有砂礫聲旦日視

之一山高丈餘 在今廣昌縣治東南名天堆 輿地紀勝

靖康二年丁未軍學火

嘉泰二年壬寅廣昌金芝產縣廨田有嘉禾

紹定三年庚寅廣昌文廟燬 四年辛卯軍治火南城縣治

亦火南豐大饑

咸淳四年戊辰五月南豐大水拔廬舍傷禾稼

元

建昌府志

卷二

星野

七

至元二十七年庚寅七月江西淫雨建昌諸路水皆溢 元史

大德七年癸卯夏五月南豐州饑命減直糶糧 元史

延祐元年甲寅秋八月建昌路水發廩減價賑糶 元史 二

年乙卯夏四月建昌路饑發廩賑糶 元史 三年丙辰夏

四月南豐州饑發廩賑之 豫章書 四年丁巳秋七月南

城產嘉禾 元史

至治元年辛酉夏四月建昌路民饑發米賑之 元史 三年

癸亥南豐州民饑賑之 元史

泰定元年甲子秋八月建昌水大饑賑糧有差 元史 二年

乙丑夏四月南豐州饑以糧賑之 元史 秋八月建昌□

饑糶米賑之 元史 三年丙寅春建昌路饑□米三萬石

秋又饑發粟賑之元史 四年丁卯秋九月建昌路饑賑米萬餘石元史

至順元年庚午建昌路饑賑糧一萬餘石鈔二萬餘定元史  
至正十二年壬辰大旱 南城縣學燬 十三年癸巳南豐大旱 十四年甲午建昌大饑人相食元史

明

永樂五年丁亥建昌疫豫章書 六年戊子正月建昌自去年至是月疫死者萬餘人明史五行志 十一年癸巳建

昌饑豫章書 八年癸亥新城饑 十三年戊辰秋有怪

墜石於南城學丁祭日夜三更明倫堂暨東西齋從空懸石而下石有苔重可四五斤惟大成殿飛石不到

建昌府志

卷二

星野

八

景泰四年癸酉新城饑 冬建昌疫明史五行志

天順六年壬午南豐縣學火

成化九年癸巳南城大饑 十年甲午南城大饑 十七年

辛丑南豐大饑

宏治十年丁巳二月己卯新城雨水雹民有凍死者明史五行志  
行志 十三年庚申秋七月甲寅南城空中有火乍分乍

合流光下墜十餘丈隐隐有聲燬軍民廬舍明史五行志

○十四年辛酉南城城市民居火知府舒崐山發粟二千四十二石賑之 十五年壬戌二月朔南豐地震十五口  
南城廣昌地震 十六年癸亥大饑知府舒崐山發粟口  
千五百餘石賑之 十七年甲子大饑知府舒崐山發口



一萬七千餘石賑之 春二月雷擊府學大成殿撤鴉口

中佛經

初以府學舊址封益藩改聖殿于天寧寺後因雷擊始撤而新之○田汝籽學宮記

十八

年乙丑秋廣昌大雨霧凡兩月民病且死者相繼

明史五行志

行志

正德三年戊辰秋七月廣昌黑青自縣庫出至縣廳入於獄

有聲如裂屋

豫章書

四年己巳夏六月廣昌雷火焚縣

儀門雨雹皆作冬十二月復焚

豫章書

八年癸酉新城

旱 九年甲戌春旱五月方雨 秋雷震府學大成殿

十四年己卯夏四月大水新城橋折城陷民居多漂沒

十五年庚辰夏六月雨雪 十六年辛巳地震

嘉靖元年壬午秋九月建昌地震有聲

豫章書

南豐白元

建昌府志

卷二

星野

九

年至四年皆饑 五年丙戌七月南城有虎具人手足癸

未南豐雨雹大如盃形如人面

明史五行志

八年己丑

夏五月大水平地深丈餘漂沒廬舍 九年庚寅新城大

饑 十年辛卯南城河東居民火太平橋燬 十一年壬

辰夏建昌蝗

江西安志

十二年癸巳夏四月建昌大水

江西安志

十一月地震

十四年乙未夏五月大水

十九年庚子大饑民多殍 十二月大雨雷鳴如夏 二

十三年甲辰夏饑冬十月合郡大饑死者無算至乙巳春

乃止 二十四年乙巳南豐旱 二十六年丁未察院災

火自城外飛入 二十八年己酉歲大有百產俱富 二

十九年庚戌南豐大有年 三十五年丙辰夏四月南城

八水 三十七年戊午南豐淫雨城壞 四十年辛酉冬南豐大疫 四十一年壬戌南豐縣學櫺星門災夏大水 ○四十二年癸亥春二月建昌大疫 江西安志 南豐大水 四十三年甲子南豐饑冬雷電 四十五年丙寅大饑

隆慶元年南城縣治火僉事張祉命投縣門牌於火火頓息 ○三年己巳南豐旱 五月辛未新城廣昌大有年

萬歷元年癸酉夏南城大雨雹南豐旱 二年甲戌夏澇

三年乙亥夏南城大水 冬南豐大疫 江西通志 六年

戊寅南豐大疫 七年己卯夏五月瀘溪下黑黍狀如樟

子炊之可食六月雨雪 南豐旱 江西通志 八年庚辰

建昌府志

卷二

星野

十

南豐旱 江西通志

夏六月瀘溪雨雹大如雞子裂屋瓦

折樹枝七月地震聲轟如雷河水湧起 十三年乙西南

豐有年 豫章書

廣昌宣化門內外城樓火 十四年南

豐大水傷秣 十七年己丑建昌五月不雨大饑 江西安

志 秋七月大疫 江西安志

二十年壬辰秋廣昌縣治

火 二十一年癸巳六月十一日夜新城大雨震雷城中

外水深數丈縣治學宮倉糧卷冊庫獄盡淹橋梁傾北人

民禾秣漂沒無算知縣鄧仲元申報賑恤 三十二年甲

辰秋七月瀘溪地震冬十一月又震房屋柱礎皆裂十二

月南豐地震 三十七年己酉瀘溪大水傷田稼 四十

年壬子瀘溪大水壞田畝八月雨雹大如石塊有稜角

四十二年甲寅夏南豐大饑秋冬不雨 四十三年乙卯  
□十二月益府災凡燬寢宮殿廡二百六十餘間 其後屢  
□興修卒以工大未果 ○藩政奏草

天啟六年丙寅秋八月南豐文廟火 七年丁卯瀘溪旱  
夏六月廣昌河水高一丈衝破順化度文昌橋

崇禎元年戊辰春二月南豐雨雪大寒浦魚凍死 秋七月

新城大水損禾稼冬十月八日夜震雷大雨雹木幹盡折  
○二年己巳夏五月新城旱 五年壬申夏南豐雨黑米  
味如麻大饑是歲廣昌亦饑新城旱自五月至九月不雨  
民大疫 六年癸酉二月建昌生豕二身一首八蹄二尾  
明史五行志 七年甲戌夏五月新城旱八月饑 九年

建昌府志

卷二

星野

十一

丙子大饑米穀騰貴

江西安志

是年府學明倫堂火

蔡

國用學宮記

十年丁丑夏六月新城饑大疫秋七月火

仁里街至夏市街燬房屋百餘家 十一年戊寅瀘溪文

廟燬 十二年己卯南豐新城有年 十四年辛巳夏五

月新城大水傷禾稼 十五年壬午夏四月南豐饑 新

城大饑疫 十七年甲申春正月新城大雨雹 二月天

赤如霞注雨如血 瀘溪地震民疫死者無算

國朝

順治二年乙酉夏五月新城大水 秋七月府城外河東民

居火太平橋燬城內火南城學燬九月南豐四郊民居多

火通濟文明二橋燬 三年丙戌夏五月不南至於冬十

月 江西安志

四年丁亥大水民大饑

江西安志

五年

戊子新城饑

六年己丑瀘溪斗米錢六百民大饑官賑

之 十一年甲午瀘溪大疫 十三年丙申旱夏五月大

火 十六年己亥廣昌宣化門城樓火 十八年辛丑大

水 江西安志

康熙元年壬寅祥雲見

江西通志

四年瀘溪大水旱 五

年丙午旱 七年戊申夏六月雨黑沙 十年辛亥夏四

月大水六月至七月旱 十一年壬子新城饑瀘溪旱蝗

疫 夏四月南豐大水 十五年丙辰春府學大成殿災

江西通志

南豐大疫 十六年丁巳南豐大饑 十八

年己未秋旱

江西志

七月瀘溪霜降有蝗 二十二年

建昌府志

卷二

星野

十二

癸亥夏瀘溪大水 二十七年戊辰夏六月瀘溪連日大

雨平地水高數丈民溺死者衆 三十五年丙子夏饑官

賑之又減價以糶廣昌饑民聚衆搶穀知縣王以坤擒其

首律之餘黨皆散秋大有 三十六年丁丑廣昌饑 四

十三年甲申閩郡饑奉文平糶官募富民出粟助賑 夏

六月廣昌大水 五十二年癸巳大水 五十六年丁酉

瀘溪饑 五十九年庚子秋七月瀘溪旱 六十年辛丑

旱自五月至八月不雨 六月南城三都溪水驟發平地

□數尺傷田稼 六十一年壬寅廣昌饑

雍正□年丙午夏五月廣昌大水 五年丁未廣昌大水

九年辛亥夏南豐聚和城樓火 十年壬子有螟形如□

土人取松明夜燃於堦蟲蔽空而下投火歿凡二十夜乃止 十一年癸丑饑官煮粥賑地方紳士亦多煮粥以助  
□□元年丙辰有年 五年庚申十月南城民劉寧妻一產三男 七年壬戌秋有螟 八年癸亥大饑奉文賑恤五  
邑紳士耆民多出粟助賑 十三年戊辰早 十四年己巳新城大有年 九月二十日夜南城十字街火延百數十家知縣趙丹樞捐貲賑恤 十五年庚午廣昌大水 二十一年大有年